

MINISTERIO DE SANIDADE E CONSUMO

11674 *REAL DECRETO 698/2007, do 1 de xuño, polo que se modifica o Real decreto 142/2002, do 1 de febreiro, polo que se aproba a lista positiva de aditivos distintos de colorantes e edulcorantes para o seu uso na elaboración de produtos alimenticios, así como as súas condicións de utilización.* («BOE» 142, do 14-6-2007.)

A Directiva 95/2/CE do Parlamento Europeo e do Consello, do 20 de febreiro de 1995, relativa aos aditivos alimentarios distintos dos colorantes e edulcorantes, e as súas sucesivas modificacións, incorporáronse ao ordenamento xurídico español mediante varios reais decretos que, posteriormente, foron refundidos no Real decreto 142/2002, do 1 de febreiro, polo que se aproba a lista positiva de aditivos distintos de colorantes e edulcorantes para o seu uso na elaboración de produtos alimenticios, así como as súas condicións de utilización, cuxa última modificación se realizou polo Real decreto 2196/2004, do 25 de novembro.

Mediante este real decreto recóllese unha petición do sector de turróns e mazapáns, razoable e xustificada, que ten por obxecto un incremento nas doses máximas permitidas de ácido sórbico e sorbatos, benzoatos e PHB para permitir que todos os turróns e mazapáns, incluídos aqueles cunha actividade de auga superior a 0,65, se encontren en consonancia co nivel máximo permitido na Directiva 95/2/CE para os produtos de confeitaría, o que supón a modificación do anexo III do Real decreto 142/2002, do 1 de febreiro.

Na súa tramitación foron oídos os sectores afectados e emitiu informe preceptivo a Comisión Interministerial para a Ordenación Alimentaria.

Na súa virtude, por proposta da ministra de Sanidade e Consumo, de acordo co Consello de Estado e logo de deliberación do Consello de Ministros na súa reunión do día 1 de xuño,

DISPÓÑO:

Artigo único. *Modificación do Real decreto 142/2002, do 1 de febreiro, polo que se aproba a lista positiva de aditivos distintos de colorantes e edulcorantes para o seu uso na elaboración de produtos alimenticios, así como as súas condicións de utilización.*

A sección correspondente a «turróns e mazapáns» do anexo III do Real decreto 142/2002, do 1 de febreiro, polo que se aproba a lista positiva de aditivos distintos de colorantes e edulcorantes para uso na elaboración de produtos alimenticios, así como as súas condicións de utilización, queda redactada do seguinte modo:

«Produtos alimenticios	Aditivos	Dose máxima — mg/kg
<i>Turróns e mazapáns</i>		
Turróns e mazapáns	Sa + Ba + PHB E-310 a E-312 E-320	1.500 (máx. 300 PHB) 200 (galatos e BHA, sos ou en combinación) e expresados sobre a graxa»

Disposición derradeira única. *Entrada en vigor.*

Este real decreto entrará en vigor o día seguinte ao da súa publicación no «Boletín Oficial del Estado».

Dado en Madrid o 1 de xuño de 2007.

JUAN CARLOS R.

A ministra de Sanidade e Consumo,

ELENA SALGADO MÉNDEZ

MINISTERIO DE EDUCACIÓN E CIENCIA

12008 *REAL DECRETO 693/2007, do 1 de xuño, polo que se establece un novo prazo para a eventual adscrición dos centros de ensinanzas especializadas de turismo a unha universidade.* («BOE» 146, do 19-6-2007.)

Os estudos superiores de turismo foron incorporados á universidade en virtude do Real decreto 259/1996, do 16 de febreiro. A dita norma estableceu, na súa disposición transitoria quinta, a posibilidade de que os centros de ensinanzas especializadas de turismo se puidesen adscribir a unha universidade con anterioridade á data do 1 de outubro do ano 2001.

Posteriormente, o Real decreto 1795/1999, do 26 de novembro, polo que se modificou parcialmente o mencionado Real decreto 259/1996, do 16 de febreiro, na súa disposición adicional única, determinou que as comunidades autónomas puidesen ampliar o prazo previsto inicialmente ata o 1 de outubro de 2004.

Máis adiante, ante a proximidade da finalización do prazo sinalado sen se producir a adscrición a unha universidade de todos os centros de ensinanzas especializadas en turismo, considerouse necesario amplialo en dous anos máis. Así, mediante o Real decreto 1779/2004, do 30 de xullo, ampliouse o prazo ata o 1 de outubro de 2006.

Non obstante, actualmente evidenciouse que este novo prazo previsto para culminar o proceso de adscrición ou integración na universidade dos centros de ensinanzas especializadas en turismo resultou insuficiente. Así, na actualidade, aínda quedan catorce centros de ensinanzas especializadas en turismo que non se adscribiron nin se integraron nunha universidade.

Polo tanto, dado que é preciso darlles unha solución tanto aos referidos centros como aos alumnos matriculados neles, considérase conveniente establecer un novo prazo para permitir o horizonte temporal necesario para que os citados centros regularicen a súa situación e os alumnos dos ditos centros poidan concluír os seus estudos.

Na elaboración deste real decreto emitiron informe o Consello de Coordinación Universitaria e o Ministerio de Administracións Públicas.

Na súa virtude, por proposta da ministra de Educación e Ciencia, de acordo co Consello de Estado e logo de deliberación do Consello de Ministros na súa reunión do día 1 de xuño de 2007,

DISPONGO:

Artigo único. *Establecemento dun novo prazo para a eventual adscrición dos centros de ensinanzas especializadas de turismo a unha universidade.*

As comunidades autónomas poderán autorizar a eventual integración ou adscrición dos actuais centros de ensinanzas especializadas en turismo nunha universidade ata o 1 de outubro de 2009. A dita autorización poderase conceder con efectos retroactivos desde o 1 de outubro de 2006, data en que finalizou a ampliación de prazo establecida no Real decreto 1779/2004, do 30 de xullo, polo que se amplía o prazo previsto na disposición adicional única do Real decreto 1795/1999, do 26 de novembro, polo que se modifica parcialmente o Real decreto 259/1996, do 16 de febreiro, sobre incorporación á universidade dos estudos superiores de turismo.

Mentres se produce a dita integración ou adscrición, e sen prexuízo do establecido no parágrafo anterior, as universidades poderán autorizar os citados centros de ensinanzas especializadas de turismo, logo de acordo da Administración competente, a impartir as ensinanzas conducentes á obtención do título de diplomado en empresas e actividades turísticas. A obtención do dito título requirirá a superación da correspondente proba de grao prevista no referido Real decreto 1795/1999, do 26 de novembro.

Disposición derradeira primeira. *Entrada en vigor.*

Este real decreto entrará en vigor o día seguinte ao da súa publicación no «Boletín Oficial del Estado».

Dado en Madrid o 1 de xuño de 2007.

JUAN CARLOS R.

A ministra de Educación e Ciencia,
MERCEDES CABRERA CALVO-SOTELO

MINISTERIO DE ECONOMÍA E FACENDA

12116 *ORDE EHA/1806/2007, do 14 de xuño, pola que se establece o ingreso en período voluntario dos tributos derivados do réxime económico e fiscal de Canarias xerados con ocasión de importación de bens, se modifica a Orde do 15 de xuño de 1995, pola que se desenvolve o Regulamento xeral de recadación na redacción dada a este polo Real decreto 448/1995, do 24 de marzo, en relación coas entidades de depósito que prestan o servizo de colaboración na xestión recadatoria e se modifica a Orde do 27 de decembro de 1991 pola que se ditan instrucións acerca do réxime económico financeiro da Axencia Estatal de Administración Tributaria. («BOE» 147, do 20-6-2007.)*

O convenio de colaboración establecido entre a Axencia Estatal de Administración Tributaria e a Administración tributaria canaria para a creación dun portelo

único alfandegueiro e de importación e exportación en Canarias, VEXCAN, ten por obxecto o establecemento dun procedemento único e conxunto de presentación de declaracións por medios telemáticos co fin de efectuar os despachos de importación e exportación relativos aos tributos derivados do réxime económico fiscal de Canarias, así como para realizar o despacho alfandegueiro das mercadorías que sexan obxecto de entrada ou saída no territorio das Illas Canarias.

Para tal fin, a Administración tributaria canaria, mediante Orde do 27 de marzo de 2007 aprobou o modelo 032 de Carta de pagamento dos tributos derivados do réxime económico e fiscal de Canarias xerados con ocasión de importación de bens.

Neste ámbito enmárcase a necesidade, en coordinación coa Administración tributaria canaria, de posibilitar o ingreso a través das entidades colaboradoras na xestión recadatoria da Axencia Estatal de Administración Tributaria das débedas tributarias en período voluntario dos tributos derivados do réxime económico e fiscal de Canarias xeradas con ocasión das importacións de bens.

Na súa virtude, dispoño:

Artigo único. *Ingreso das liquidacións de débedas en período voluntario dos tributos derivados do réxime económico e fiscal de Canarias xerados con ocasión das importacións de bens.*

O ingreso das liquidacións correspondentes a débedas en período voluntario dos tributos derivados do réxime económico e fiscal de Canarias, xerados con ocasión das importacións de bens, efectuarase nas entidades de crédito que actúan como colaboradoras na xestión recadatoria da Axencia Estatal de Administración Tributaria, de conformidade co sistema centralizado de pagamento en período voluntario a que se refire o convenio de colaboración entre a Axencia Estatal de Administración Tributaria e a Comunidade Autónoma de Canarias para a creación dun portelo único alfandegueiro de presentación telemática de declaracións de importación e exportación e alfandegueiras en Canarias.

Para tal fin, o modelo de carta de pagamento código 032, aprobado pola Orde do 27 de marzo de 2007, da Consellería de Economía e Facenda da Comunidade Autónoma de Canarias, axustarase ás especificacións técnicas que se recollen no anexo VI da Orde do 15 de xuño de 1995 pola que se desenvolve o Regulamento xeral de recadación na redacción dada a este polo Real decreto 448/1995, do 24 de marzo, en relación coas entidades de depósito que prestan o servizo de colaboración na xestión recadatoria.

Disposición derradeira primeira. *Modificación da Orde do 15 de xuño de 1995 pola que se desenvolve o Regulamento xeral de recadación na redacción dada a este polo Real decreto 448/1995, do 24 de marzo, en relación coas entidades de depósito que prestan o servizo de colaboración na xestión recadatoria.*

A Orde do 15 de xuño de 1995 pola que se desenvolve o Regulamento xeral de recadación na redacción dada a este polo Real decreto 448/1995, do 24 de marzo, en relación coas entidades de depósito que prestan o servizo de colaboración na xestión recadatoria, queda modificada como segue:

Un. O punto 2.7 do anexo VI «Presentación centralizada. Ingresos entidades colaboradoras. Especificacións técnicas» queda redactado do seguinte modo:

«2.7 Deseño do rexistro de detalle de ingresos SIR (tipo-3).